


# Bab-Dummadba Nagued Igar





©2005, Rose Stair Goodman we-garda soblesad. Wagar-wilub soblesadmar: we página'gi, degine página'margi 10, 12, 14, 16, 27, 29, 39, 41, 42, 44, 46, 47, degi 48, Meryl Esenwien soblesad.

# **BAB-DUMMAD NAPNEG DEGI AGI BELA 1** **IBMARMAR-BUKMALAD OBINNISAD**

**“Gebe-negasailaunni Bab-Dummad nibneg degine, napneg obinnisad.”**  
–Génesis 1:1

**“Emi Cristo’gi belagwapa ibmarmar obinnilesad, ibmar-nibnegged, degine, ibmar-napnegginbalid.”**  
–Colosenses 1:16a

**“Bab-Jehová nibneg, degine, napneg obinnisad. A bemargi ise-nued binsaena gadin! Nibneg Bab-Jehová’gadid! Napnegdi Bab-Jehová dulemarga uksad.”** –Salmo 115:15, 16

Bab-Dummad we-napneg dulega uksagua, bela nuedbiid. We-garda be absoge, be wisguegar, wede we-napneggi igi gude.



**“Geb degi, Bab-Dummad sogdebalid: Emigindi Anmar dule-obinnesun, Anmar-sun-dakle Anmar imakoed... bela we-napneggi... gangued-nika-guoed.” –Génesis 1:26a**

**“Geb degine, Bab-Dummad-Jehová napa susgu, agi dule-sobsad. Dule-sobsagu, dule-asugi buu-imaksad, geb agi dule-odulosad. Agine, dule dula-gunonisunnad\*.”**

–Génesis 2:7

**“Geb degine, Bab-Dummad-Jehová sogded: ‘Dule wargwen-gudiir, gwen nabir daklesulid. Degisoggu, dule-e-abirgined An ega imakoed, adi e-bendaked-nuedga guegar.’ Geb degine, Bab-Dummad-Jehová Adán ise-nue-gabega imaksad. Nue gabmaigu, Adán-e-binasgar e-gar-wargwen onosad. Geb Bab-Dummad-Jehová gannar san edisad. Bab-Dummad-Jehová we-binasgar-e-gargi ome-obinnisad. Agi macheredga ome-senonikid.”**

–Génesis 2:18a, 21, 22

\*Dula-gunonikid obared, degii anmar sadeguoye.

# ADÁN, EVA-EBOGWA BAB-DUMMAD-SOGEDBA NANASSURMALAD



Nia-Satanás-anmarse-goled anmar itogewilub-sulid.

**“Nainu-nued-Edén-nugad-akwega, Bab-Dummad-Jehová, 5 dule-ogwisnonikid, agi arbaegar. Agine, Bab-Dummand-Jehová dulega igar-uksad: ‘We-nainu-nuedgi sapimar-bukwad-e-sanmar sunna bela be gunnoye. Unnila sapi-wargwen, e-san dule guchale, a-dule wisguo ibu-ib-nued, ibu ib-iskana. A-sapi-e-sandi melle be gunno. A-sapi-e-san be guchale, a-ibagi be burgoed.’ ”**

—Génesis 2:15-17

**NAIBE, A BILEBALID, NIA, SATANÁS. WE-SATANÁS BAB-DUMMAD IBMAR-SOGEDGI ANNANONIKID, AGI GAKANSA-NONIKID.**

**“Ar naibedi omega sogded: ‘Suli, degi suli, bemar gwen burgosuli.’ Eva sapi-san dakdegu, dakdedo, yeer-daklege, masnued daklege, degine, nue ibmar-wisii sunna dule-imate. Degi-soggu, Eva sapi-e-san gwachagu, guchad. Geb degine, e-suiga uksamogad. E-suide guchamogad.”**

—Génesis 3:4, 6

# ADÁN, EVA-EBOGWA NAINU-NUEDGI- GUDIID ONOLESMALAD



“Degisoggu, a-ular Bab-Dummad-Jehová, dule-nainu-nued-Edén’gi-gudiid onossunnad, degine, dule-napagi-arbaega imaksad, ar ade napagi dulede sulealed. Bab-Jehová . . . anger-dummagan-querubin’ye-nugad-ogwichisad, degine, espunyar-gwabunye-gwichi . . . imaksabalid, adi melle dule-wargwensaar sapi-dula-dule-imakedse warmakmalagar.” —Génesis 3:23b, 24b



# ADÁN, EVA-EBOGWA ISKUSMARGUA, DULE- 7 MARGA, IBA-BUKIB-ITOLEGED NAGUNONIKID



“Degisoggu, dule-wargwengi iskued we-napnegse dognonikid, degine, iskuedba burgwed-igar nonikid, geb degine, bela dulemar burgwedbi gunonisunnad, ar ade bela iskusmaladbiid.”

– Romanos 5:12

**Be ebinsaega:**

**Dulemar bela gwalulemamaidi, bela iskued nikadbimalad. Ibagwengine, dule burgoed, ar ade iskuedgi burgwed dani-  
kid. (Gannar Romanos 5:12 be absoge.)**

## **8 BAB-DUMMAD ISKUEDGI ANMAR ABONOGE- GALA, NA IGAR MESISAD, E-MACHI-WAR- GWENNAGWAD WE-NAPNEGSE BARMIDAGOYE**



**“María, machi-wargwen-  
nikuoed, Jesús’ye be  
onugsao, ar ade iskuedgi  
E-dulemar-abonogoed.”**

**–Mateo 1:21**

**Bab-Dummad-Machi dulega guegala,  
dule-goe-sunnaa gwalulenonikid.**

**“Ar igar-napiragwaddi Cristo’ginbi danikid. Ar bela Bab-Dum-  
mad-E-burba, degine, Bab-Dummad-binsaed, bela Cristo na E-  
sangi deyob nikmogad.”**

**–Colosenses 2:9**

# **JESÚS, BAB-DUMMAD-GUED, DULE- MARYOB NONIKID**

**9**

**“Gebe-negasailaunni bato Gaya-Burba-Nued gudiid, we-Gaya-Burba-Nued Bab-Dummadba gudiid, degi, we-Gaya-Burba-Nued, Bab-Dummad-gued. We-a-Gaya-Burba-Nued, anmargii sanale san-nika-gunonimogad, degine, anmar-abargi sanale gudidusmogad.”**

**–Juan 1:1, 14a**

**“...Deyob gusdo, adi Bab-Dummad, na E-gaya-burba-berbegeba,...deun sogsagusgu: ‘Emi be dake, yagwawargwen gurgin-nika guo, machi-nikunoniko, Emanuel’ye nugsaledgeoed.’ Emanuel sogleged, ‘Bab-Dummad anmarba gudiye.’”**

**–Mateo 1:22, 23**

**“Ar Machi-gwensak anmarga uklesad. Bab-Dummad Machiwargwen anmarga uksad...Weyob we-Machigwa bilegoed: Binsaed-Uked-Geger-Dakleged, Bab-Dummad-Dutusulid, Bab-Dummad-Degi-Sadeguad, Dule-Gwage-Bogidikid-E-Dummad.”**

**–Isaías 9:6**

## 10 JESUCRISTO ANMAR-ULAR BURGWISEAD

“... Cristo dule-iskussulid ...”

—2 Corintios 5:21

“We-dule gwen iskussur-gusad.”

—1 Pedro 2:22a



Dule Bab-Dummadga-ibmar-uked,  
gwen UNNIGUAR-GUOSULID na-e-iskuedga eliega.

“Ar ade moli-bebe-nikad-machered-e-abe, degine, sibadmar-e-abe geg iskued elied.”

—Hebreos 10:4

Jesús, Bab-Dummad-E-Sibad-Wawaad-Sapingwagwad. “—Be dakmalana, we-dule, Bab-Dummad-E-Sibad-

Wawaad-Sapingwa-gwad, bela dulemarga-we-napneggi-iskued osulogedid.”

—Juan 1:29b

# **JESÚS ANMAR-ABONOGEGA, NA E-SAN- 11** **BURBA ANMAR-ULAR UKSAD**

Dule-iskanamar Jesús-sae-dakmaladba nakrusgi bioksamalad. We-Jesús-burgwisad bato Bab-Dummad-igar-mesisadba gusad. Jesús na E-itolegedba na san ukxa-gusad, adi ani degine, be, iskuedgi anmar-abonogegar. Jesús sogxa-gusad: **“Gege dule An-san-burba Angi sued, ar ade An-sunnad na wargwen na uked. Ar Ani gangued An nikad na An-san ukega, degi, An na gannar subaligar.”** —Juan 10:18a

## **ANMAR BAKLENONIKID BAB-DUMMAD-SIBAD-WAWAAD-SAPINGWAGWAD-E-ABEGI**

**“Emigindi, Bab-Dummad bemar-onosad, ibmar-sunna-berguedgi, olo-dibe, mani-dibe, agi gwen be-baksasurmalad. Bab-Dummad bemar-baksad, Cristo-abe-sunsoged nakrusgi ar-yosadgi. We-Cristo, sibad-wawaadyobid, gutu-gwen-nikasuli, degine, gwen akarsuli anmar-ular Bab-Dummadga uklesad.”** —1 Pedro 1:18b, 19

**12 “Ar E-abegine bato anmar iskussuliyobi daklenonisoggu, anmar Cristo’ba abonolenonimaloed, adi mer bar sabsur odurdaklemalagar.”**

—Romanos 5:9b

“—Reyga-mai Be-neg-dakmaid-gi na-Be-danikir, Be an-insao.”

—Lucas 23:42b

We-dule-  
atursaeddi  
Jesús’gi  
bengussulid,  
degisoggu,  
abonolesdo.



“—Napira An  
bega soged, emi-  
ibagi nibneg-  
nued-naidgi be  
Anba gudi-  
guoed.”

—Luke 23:43b



We-dule-  
atursaeddi  
Jesús’gi  
bengusad,  
degisoggu,  
abonoles-  
surdo.

**“Anmar amba iskudimargu, degite, Cristo anmar-ular burgwisad.”**

—Romanos 5:8b

**“Ar Bab-Dummad bela we-napneggi-dulemar-bukwad nue sabgussoggu, E-Machi-Wargwenna-Guedibarmialid, adi dulemar-iskued-anar burgwegar. Ar doa-dule Bab-Dummad-Machigi bensuli-gunonikile, burba-geg-bergued nikuoed, adi mer bar degi-sadegu sabsur odurdaklesii-guegar.”**

–Juan 3:16

**“Ammar nia-sailagi galenaigu, Bab-Dummad anmar-onononikid, E-Machi-sabed neg-dakmaidse anmar-odosad. Cristo burgwisgu, na E-abe-aryosadgi anmarga iskued-nabosad, anmar abonolenonisunnad, Cristo anmarga iskued elinonigu.”**

–Colosenses 1:13, 14

# “¡JESÚS GANNAR DURGUSAD!”



**“Ar angerdi omeganga sogded: ‘Mer bemark dob-gumar, ar an wisdo, bemark Jesús-nakrusgi-biokles-gusad amidani-malad. Jesús wegi bar maisulid, ar igi bemarga sogsa-gusa, deyob gusad, Jesús gannar durgusad. Be dakdamar, bia Dum-mad-Jesús mai-gusad E-gannar.’”**

—Mateo 28:5, 6



## **JESÚS BURGWAR-MAI GANNAR DURGUSAD 15**

**“Ani An burgwis gusadid, emigindi An dula gudiid. Emigindi degi-sadegu An dula-gudiguoed. Ar deyobdo. Degine, Ani An burgwed-yabi, degine, burgwemalad-diglemalad-neg-Hades’ye-nugad-yabi An ganikidbalid.”**

–Burbar Oyolesad 1:18

**“Ar An dula gudisoggu, bemar dula gudigumosunnoed.”**

–Juan 14:19b

Ar Cristo burgwedgi nakwidsoggu, na-E-burgwed-igar ganikid. Degisoggu, bur anmar burgwed dobsurdo. **“Bab-Dummad, an dobeitogele, Begi an benguosulid.”**


–Salmo 56:3

### **JESÚS SUNNA BE-ABONOGED, DEGINE, BAB-DUMMADSE BEGA GORNAID**

**“Ar Jesús’di burgwesursoggu . . . dulemar Jesús-nuggi Bab-Dummadse danimalale, Jesús sunna degi-sadegu a-dulemar-abonosunnad, ar ade Jesús degi-sadegu dula gudigusoggu, amar-irwa-Bab-Dummadse gornaigu-dasunnad.”**

–Hebreos 7:24a, 25b

# BEDI, ANI, SUNNA ANMAR SAN-BURBA-GEG-BERGUED NIKUED



¿BEDE, ibu igarba nadapi?

BURBA-GEG-BERGUED  
Bab-Dummadgi nikuegala,  
Jesucristo'bi IGALAD.

Nia-Saila-Satanás-e-  
igardi BURGWED DEGI-  
SADEGUAD-IGALAD.

We-machigwa igar-nued susad, burba-geg-bergued nikuegar.

**“Emi-ibagi bemar sumardo, doase bemar gormaloe.”**

–Josué 24:15

**“Degisoggu, dula-gudigued be sumardo, adi be, degine, be-wagan, bemar dula-gudigumalagar.”**

–Deuteronomio 30:19b

**JESÚS'BI-IGALAD, BURBA-GEG-BERGUED NIKUEGAR**

**“Degisoggu, dule-baid-nuggi geg anmar abonoleged. Ar we-napneggi dule-baid anmarga uklessulid, anmar egi abonolegegar, unnila Jesús-nugginbi anmar sunna abonoleged.”**

–Gusmalad 4:12

**“Ani, An Bab-Jehová-gued. Unnila Anbi be-abonogedid, dule-baid be-abonogosulid.”**

–Isaías 43:11

# 18 ANMAR SAN-BURBA-GEG-BERGUED NIKUBIER, ¿IBIGA ANMAR JESÚS-SUER-GEBE?

## 1. *Cristo we-napnegse noni-gusad.*

“...Andi An nonigua, burba-dula-gudigued ukega An non-ikid....”  
—Juan 10:10



## 2. *Cristo, We anmar-sabgusad, degine, anmar-ular nakrusgi burgwisad.*

“Bab-Dummad-Machi... an-sabgusad, degi, an-abonogegala an-ular na san uk-sa-gusad.”  
—Gálatas 2:20

Jesús anmaryob dulega gunonimogad.  
“Wemimmigan sanar gwalulemaladyob, we-

**Jesús, amba sanar gwalulesmogad, adi na E-burgwisad- 19 gi burgwed-igar-semaid-e-dummad obelogegar. We-burgwed-dummadde nia-sailad Satanás'ye-nugad. Degine, Jesús na E-burgwisadba dulemar-gusgu-burgwed-dobedbali maiga-gudidimalad onogegar.”** –Hebreos 2:14b, 15

### ***3. Unnila Jesús-ablisbi iskued osuloged.***

**“Ar ablisgi iskued bennuklenoni-daed.”** –Levítico 17:11

**“E-Machi-Jesucristo-abegi anmar-iskued bela elilesiid.”**  
–1 Juan 1:7b

**“Cristo burgwisgu, na E-abe-aryosadgi anmarga iskued-nabosad, anmar abonolenonisunnad, Cristo anmarga iskued elinonigu.”** –Colosenses 1:14



#### **4. Cristo, we burgwar-maigua, durgusad**

**“Ar anmar wisid, Cristo burgwisgu,  
gannar durgusad, emi bar burgosulid,  
burgwed geg bar Egi obined.”**

–Romanos 6:9

**“Cristo bela dulemarga burgwisad, adi dulemar-dula-  
gudimalad, melle na ega bar gudigumalagar, Dule-ega-burgwi-  
sadga, ega-durgusadga, Aga dula gu-digumalagar.”**

–2 Corintios 5:15

Jesús sogded: **“Ar An dula gudisoggu, bemar dula gudigumo-  
sunnoed.”**

–Juan 14:19b

**5. *Anmar Cristo-Burba nikuer-gebed, adi anmar durgue- 21***  
***ga, degi-sadegu burba-geg-bergued anmar nikuegar.***

**“We-Cristo-bemargi-maid, ibmar-nued yoedse anmarga  
uklegoye sogsad, anmargadga guoed.”** –Colosenses 1:27b

**“Ar Bab-Dummad Jesús-burgwar-maigu-odulosad. E-Burba  
bemargi maimogale, Bab-Dummad Cristo-Jesús-burgwar-mai-  
gu-odulosadi, E-Burba-bemargi-maidba bemar-san-sunna-bur-  
goed gannar odulomogoed.”** –Romanos 8:11

**NUE BE IMAKED-SAE, CRISTO-E-BURBA BEGI GUDIGUED**

**“Ar dule Bab-Cristo-Burba-nikasulile, we-dule, Cristo’gad-  
sulid.”** –Romanos 8:9b



**“Geb degi, Jesús E-ar-gangi mimmigan-susgua, E-argan mimmigan-birgi mesisgu, nued mimmigangi binsad, sogded: ‘Bi-tigi Bab-Dummad nued bemargi binsaena gadin.’”**

**—Marcos 10:16**

**“Jesús bela mimmimar-sabed. An wisid, Jesús an-sabed, ar Bab-Dummad-Garda deyob soged.”**



**“Ar Jesús na E-sapinganse gochagu, ega sogded: ‘Mer 23  
ese urwemar. Mimmigan Anse daged be imakmar, mer be  
bargamar, ar Bab-Dummad-neg-dakmaid we-mimmiganyob  
damaladgadid.’”**

–Lucas 18:16

**“Degisoggu, be-Bab-nibneggi-maid, sibad-wawaadyob  
we-bipigana-wargwensaar ei yoggubisur abemaid.”**

–Mateo 18:14

Ar be doa-dule-dibe, bia be mai-dibe, Jesús be-sabed, degine, be-  
ular burgwisad. Jesús E-sabgubi be-abemogad Jesús-sogedba be  
nanaedgine Jesús’ga be-sabgued sunna be oyomogad.

**Jesús sogdebar: “Ar be An-sabmalale, An-igar-mamaidba  
be damaloed.”**

–Juan 14:15

**“Machigwa na-e-daedgi mag dakleged.”** –Proverbios 20:11a

## 24 ¿IGI BE IMAKER-GEBE BAB-DUMMADSE BE WARMAKEGAR?

1. *Be soger-gebed, an iskued-duleye (7'gi be dake.)*

“Ar dulemar belagwapa iskusadbisoggu, Bab-Dummad-nued-na-E-ibmar-abemaidba geg nanamarsunnad.” –Romanos 3:23

2. *Jesucristo'ba Bab-Dummadse be dage.*

“Ar Bab-Dummad unnila wargwennaa-gued, degine, dulemar-anar Bab-Dummad-irwa-gwisguedi unnila wargwennaa-gubalid. A-dulede Dule-sunnadid, Cristo-Jesús'ye-nugad.”

–1 Timoteo 2:5

“A-ulale, dulemar Jesús-nuggi Bab-Dummadse danimalale, Jesús sunna degi-sadegu a-dulemar-abonosunnad.”

–Hebreos 7:25a

Jesús sogded: “Ar dule Anse danikile, gwen An barmetosulid.”

–Juan 6:37b

### 3. *Iskuedgi be bangué.*


(Iskuedgi banguye sogedi, sogledo, melle iskubi be bar itogoye, iskuedgi be banguye.)

“Degisoggu, be-iskudiidga, ulubgi na be bukib binsamar, be-daed be ogwamarsun, Bab-Dummadse gannar be dagmarsun, be-iskudiid bega osu-logegar.”  
—Gusmalad 3:19a

“Bab-Dummad ibmar-imaked binnasdikii imaked, ar ade dule-war-gwen-saar mer-yogguena gadinye binsamaid, bela e-iskuedga bukib-binsamalana gadinye, adi gwagegar, adi amar bela abonolemalagar.”  
—2 Pedro 3:9b

### 4. *Be-iskudiid Jesús’ga be sogé.*

(We sogledo, be iskudiid na be dugin Jesús’ga na be barsoge.)



“Anmar-iskued an na dugin Bab-Dummadga anmar barsogmalale, anmar wisdo, Bab-Dummad dule-inikigwadid, dule-napiragwadid degisoggu, anmar-ga iskued elioed.”

—1 Juan 1:9a

**26** We-pagina 25 narmakaled 1 Juan 1:9a, igarmar-mamaidgi wegi be narmake.

---

---

---


---

### **5. *Iskuedgi be bangué.***

*(Banguye obaredi, sogdo, iskued be ieye, egi be banguye, mer bar iskued imakye.)*

**“Dule na e-iskued odukuele, we nasguosulid. Ar dule na dakin e-iskued barsogerdi, degine, iskuedgi banguerdi, adi sabgule-goed.”**  
–Proverbios 28:13

**“Iskuedgi be bangué, ibmar-nueganbi be imake.”**  
–Salmo 37:27a



**6. *Be-ulubgi Jesús  
mer be bengue.***

**27**

**“Ar dulemarga bela be sogele,  
‘Jesús, an-Bab-Dummadye,’ de-  
gine, be-gwagegi be bensulile,  
Bab-Dummad we-Jesús burgwar-  
malad-abargi gannar odulosad,  
be abonolegodo.”**

**–Romanos 10:9**

**“Ar bemar abonolege-wilubsu-  
linad, emigindi Jesucristo’gi-ben-  
sulidba Bab-Dummad bemar-abo-  
nononikid... Bemar na dukin na  
be ibmar-imakedgi abonolessu-  
lid, adi mer bemar na san dum-  
marba na imakmalagar.”**

**–Efesios 2:8, 9**

**“Dummad-Jesucristo’gi mer be  
bengu, ar degiir, geb be abono-  
legoed, degi, be-neg-yaarginma-  
lad amba abonolemogoed.”**

**–Gusmalad 16:31b**

**28 7. Be-gwagegi Jesús be abingao, degine, Jesús be-dummadga be imakbalo.**

Unnila bebi sunna, be-gwagegi be Jesús-abingaed. Ega be

soge, an-gwage-ulubse be dogye. Jesús sogded: **“Ar emigindi yawagakgi An bese gorgwichid. Ar dule-wargwen An-goled itosale, Anga yawagak egasale, An ese dogoed, An-ebo mas gunnoed, degine, a-dule Anba mas gunmogoed.”** –Burbar Oyolesad 3:20

**“Ar bela dulemar a-Gaya-Burba-Nued-abingasmaladdi, E-nuggi-bengus-surmaladba, amarga Bab-Dummad igar uknonikid, na E-mimmigangagued-igar.”** –Juan 1:12



Bipisaale Bab-Dummadse be gordisulile, sunna we-Bab-Dummadse-goled-naidyob be gordo:

**Bab-Dummad-Jesús,**

**Dog-nued an Bega soged, nakrusgi Be burgwisgu, an-iskued eliegar. Nue-nunmak an itoged, bela ibmar-iskanamar an imakdiid. An Bese wilesagwaa egised, Be an-gwageese dagye, degi-sadegu an-gwagegi-mai Be gusunye. Begi bensuli emi-ibagi an gued, Be anga gwage swilik imakoed. An Be-abingaed an-Abongedga, degine, an-Dummadga an Be-ima-ked.**

**Jesús, Be-nuggine, an Bese goled. Amen.**



### **30 EMIGINDI, JESÚS BE-GWAGEGI MAID. DEGI-SOGGU BURBA-GEG-BERGUED BE NIKASUNDO.**

**“... Bab-Dummad anmarga san-burba-geg-bergued uksad... Ar dule Bab-Dummad-Machi-abingasale, san-burba-geg-bergued bato nikdo.”** –1 Juan 5:11, 12a

**“Ar dule An-sunmakedba daele, degi, Bab-An-barmialidgi bengusulile, a-dule burba-geg-bergued nikuodo. A-dule ... burgwar-gudiidgi nosad, dula gudii-gunonisunnad.”** –Juan 5:24b

Be burgwisale, bato Bab-Dummad-walik be gudiido (2 Corintios 5:8). **“Ar we-ibmar-dukualed we-Cristo-bemargi-maid, ibmar-nued yoedse anmarga uklegoye sogsad, anmargadga guoed”** (Colosenses 1:27b).


Jesús'se be egichisar, iskued anga osuloye, degine, Bab-Jesu-cristo be-Abonogedga be imaksale, wegi be-nug be narmakdo.

---



# IGI BE IMAKOE, BAB-JESÚS'BA NADAPIGU GUEGAR

31



Bab-Dummad-gaya-burba bane-bane absodigu be sae, degine, na be-nonogi-durdakedba be-gwagegi be nasike. Bukidar wegi narmakar-naid sunna be durdaked.

**“Bab-Dummad-Garda-narmakar-maid bela Bab-Dummad-sogedba narmaklesad. Bab-Dummad-Garda ib-nuedid, dulemar-odurdakegar, dulemarga sabsur ibmar-sogegar, dulemar-unaegar, degi, igar-inikigwadgi dulemar-odurdakegar.”**      -2 Timoteo 3:16

## 32 BAB-JESÚS'BO BE SUNMAKE ESE GOLEDGI

*Jesús'ga be soge, dog-nuedye bela ibmar-nuegan Be anga uksad. Jesús-nug be odummoge, bela bega ibmar-nuegan imaksadba, degine, be-abonosadba. Bab-Dummadse be gole, ar ibu be abe-itogedba. Jesús-nuggi Bab-Dummadse be gole.*



**“Ar anmar E-sogedba ese ibmar egichidele, we-Bab-Dummad anmar-itoged.”**

–1 Juan 5:14b

**“Ar ibu bemar Babse An-nuggi egisbimar-dibe, Bab bega ukmalloed.”**

–Juan 16:23b

**“...Muchub-muchub na ga be Bab-Dummadse gormar...”**

–Santiago 5:16

**“Dulemar-be-nug-ichodimaladga, degi, be-baregindimaladga Bab-Dummadse ega be gormar.”**

–Mateo 5:44b

# **JESÚS BAB-DUMMADSE-GOLEDGI NA 33 E-SAPINGAN-ODURDAKSAD**

(Jesús-sapinye sogedi, Jesús'ba-nanaed-dule.)

**“Anmar-Bab-nibneggi-maid, Be-nug swilidik obariledii-gusun. Na Be-neg-dakmaid anmarse dage. Be ibmar na Be-sogedba igi nibneggi imaklege, deyob we-napneggi imaked Be imakmo. Emi-ibagi mas unnitibali anmarga Be udage. Anmar-Begi-iskusad anmarga Be osulo, igi du-lemar anmargi nosale, anmargi-nossulidyob anmar dak-damogadyob. Iskuedgi-wilubdaklegedse mer warmaked Be anmar-imak, bur iskuedgi obined Be anmar-sae. Ar na Be-neg-dakmaid Begadid, Be-gangued, degi, Be-nug odummoled, Begadbalid, birga-miliba degi-sadegu gusun. Be itogua.”**

—Mateo 6:9b-13

We Bab-Dummadse-goledi nonogi be durdake. Bab-Jesús'bananaimalad, imbagwenale, danakwaa binnasuli Bab-Dummadse weyob gorsidamalad.

## **34 BAB-DUMMAD E-IGAR-SOGAMBE-MESISAD ANMAR-ODURDAKED, IGI AN NANAMALAR-GEBE**

(Éxodo capítulo 20)

*We-igar gebe-sogbakegwadi, anmar Bab-Dummad-sabguedgi sunmaked.*

1. “Melle baid-baid bab-dummadga An-asabin be imako, unnila Anbi Bab-Dummadid.”
2. “Melle ibmar-wilubgan be-bab-dummadga-imakega . . . be sobo. A-ibmarmar-asabin melle dulluu be imako, deginbali, melle a-ibmarmar bab-dummadyob be dako.”
3. “Melle be-Bab-Dummad-Jehová-E-nug yogsaar be ebugo.”
4. “Obunnoged-iba be insao, a-iba Bab-Dummad-nug odummogedgadid.”

*Napi igar-soganergwadgi sunmaknaidi, anmar dulemar-sabguedgi sunmaknaid.*

5. “Be-babgi, degine, be-nangi nued be sunmakdii-guo, egi-binsaed-nika be nanao.”

6. “Mer dule-oburgo.”

7. “Mer na be-abirgunagwarsuli neg-sichigi be yolemalo.”

8. “Mer atursao.”

9. “Mer gakansaar aimargi sunmako.”

10. “Mer dule-baid-e-ibmar-nikad-bina be sogo.”

**BAB-DUMMAD-SOGEDBA ANMAR NANADIILE, ANMAR ESE GOTELE, BAB-DUMMAD ANMAR ABINSA-DAED**

“Ar ibu anmar Bab-Dummadse egichidele, anmarga Bab-Dummad ukoed, ar ade anmar E-igar-mamaidba nanadiid, degine, ar anmar Bab-Dummad-asabin ibmar-nuegan imakdiid.”

# BAB-DUMMAD-IGAR-WARBOGWAD BUR-SUNSOGED-MAID

## *Anmar Bab-Dummad-sabgue-gebed*

1. “Jesús, abin-sogded: ‘Dummad, Be-Bab-Dummad, bela be-gwagegi be sabguoed, bela be-san-burbagi, degi, bela be-binsaedgi. Ar dule Bab-Dummad-sabgued, we-igar gebeddo, degi, bur igar-dummadbardo.’”

–Mateo 22:37, 38

## *Anmar dulemar-sabgue-gebed*

2. “Agi, igar-sogbogi, amba deyobsaar-bardo: ‘Ar na be-san na be sabguedyobi, dule-baid be sabgumogoed.’” –Mateo 22:39



Bab-Dummad-Igar-sogambe-uksadi (34, 35),  
bela sunna sogleged, we-Igar-warbogi.

# **SABGUED IBMAR-DUMMAGANBA BUR DUMMARBAD**

**37**

**Sabguedgi sunmaklenaid**

**(1 Corintios 13:1-8, 13)**

**<sup>1</sup>Igi-dibe, sunna dulemar-gaya-baid-baid-sunmakmalad an sunmak-dibe, degine, angermar-gaya an wisbar-dibe, ar degite, sabedgi an imaksulile, an binsa esnon ee oimakeyob, degine, bormo-matargana na abin-abin sarsolenaiyob an gudiido. <sup>2</sup>Igi, Bab-Dummad-gaya-burba an abingasad, an baiganga uk-dibe, degine, bela ibmarmar-dukuar-mamaid an wisbar-dibe, degine, ibmarmar-bela-sunna-wisguleged an wisgunonibar-dibe, degine, bela ulubgi bensulidba sunna yarmar an onnirbar-dibe, ar sabedgi an imaksulile, binsa an gudiido. <sup>3</sup>Igi, an bela-ibmar-nuegan-an-nikad an bela wileganga uk-dibe, degine, an-san-ogumaklegegala an ukbar-dibe, ar sabedgi an imaksulile, bela we-ibmarmar-binsaleddo. <sup>4</sup>Dulemar-sabguedi we-yobid: Na urwed bargaed, nued-binsaedgi dulemar-bendaked,**

**38** geg nobgued, geg na san dummarba itoged, degine, geg baiganba dummarba na san imaked. <sup>5</sup>Geg gwinni-gwinni daed, ibmar imakalir, geg eginbi binsaed, geg gwae-gwae urwed, degine, dule egi nosale, geg bar ebinsaed, egi-nosad nossulidyob dakde-daed. <sup>6</sup>Dule-baigan-iskuедgi geg wergued, unnila igar-napiragwadginbi wergued. <sup>7</sup>Dulemar sabguedi bela ibmar-nunmaked-abin burdi-daed, bela ibmar bensur-daed, bela bensulidgi edarbedii-daed, degine, bela ibmar-naibid-abin burdi-daed. <sup>8</sup>We-sabgued-igar geg bergued, degi-sadegued.

<sup>13</sup>Emigindi, Bab-Dummad-bensulid-igar, nue-bensulidgi Bab-Jesús'gi ibmar-nuegan edarbediid-igar, degine, sabgued-igar, wemar-sogbaagwadi, na sadegued. Ar degite, wemar-sogbaa-gwad, sabgued-igar bur emargi obinsiid.

“Bab-Dummad bela-bela dulemar-sabed. Ar dule dulemar-sabele, we-dule Bab-Dummadgi akanaid, degine, Bab-Dummad we-a-dulegi maimogad.”



# JESÚS, DULE-BAIDGA EGI SUNMAKBI BE-ABEGED

39



(Neggine, escuela'gine, iglesia'gine,  
degine, ar bia be gudii-dibe)

“Jesús ega sogded: —**Be-negse  
bur be nae, be-gwenadganse.  
Amarga be sogna, igi Bab-Dum-  
mad nue wile be-daksa, ibiga na-  
bir be-nudaksa.**”

—Marcos 5:19b

## **40 ¿IGI BE WISGUOE, DOA WE BAB-DUMMAD-MIMMIGAN-GUMALA?**

**“Bab-Dummad-Burba-Nueddi weyob dule-dae imaked: dule-mar-sabee-nanaed, weligwar itoged, ulubgi bogidik itoged, ukurmakar ibmar imaksulid, yeer-itogedgi dulemar-bendaked, igar-nuegangi nanaed, Bab-Jesús’gi bensuli-daed, binnale-gwadgi ibmar imaked, dugin sunna na san-bargaed.”**

**–Gálatas 5:22, 23a**

**“Ar dulemar-begi-nodimalad, begi nossuliyob be dakele, abayobi be-Bab-nibneggi-maid bega dakmogoed, be-iskusad bega osulogoed, Egi-nossuliyobi be-dakmogoed.”** –Mateo 6:14

### **BAB-DUMMAD SOGAGUGLE IBMAR-SAE-DAKED**

**“Dule na san dummarba imaked, dule gadi gakansaed, dule binsa aimar-baigan-oburgwed. Dule na e-ulubgi ibmar-iskana-imakedgi binsaed, dule gwae-gwae ibmar-iskana-imakedba nanaed. Dule gakansaar-sunmaked ede daksaye, degine dule na e-gwenadgan-ourwed.”**

**–Proverbios 6:17-19**

**DULEMAR NA E-SAN-IBMAR IMAKBIEDBA-DAMALADI,  
WEYOB DAMALAD:**

**41**

**“... E-ome-suli, degi, e-sui-suli na dikarba yolemalad, yo-abirgu-nagwar-na-nikue ebo neg-sichigi-nanamalad... bab-dum-madga-imaklegedse-goled, emargi na ina-iskana saed, na istar dakmalad, ... sae-ibmar-itomalad, ... na abin-abin urwemalad... sae emar-ibmar-nikad dakmalad, dulemar-oburgwemalad, gadi mungumalad, ... degi, bela ibmar wegii-gumalad imakmalad... Dulemar degii-damalad Bab-Dummad-neg dakmaidse gwen dogosurmarye.”**

**—Gálatas 5:19-21**

**“... Omegangii-damalad, machergan na machered e-omega imak-malad, atursamalad, dogdar maniginbi binsamalad.”**


**—1 Corintios 6:9, 10a**

**JESÚS NA E-BURBA-NUEDGI NANAED BE-IMAKE, BEGA ISKUED-ELIED BE-IMAKE**

**Bemar epenne gwenna-gwenna deyob nanadii-gusmalanad, emi-gindi bemar, gwage uruklesmalad, gwage-swilidik-gusmalad iskussuliyob Dummad-Jesús-nuggi, degi, Bab-Dummad-Burba-Nuedgi bemar gunonimarsunnad.”**

**—1 Corintios 6:11**

## 42 BAB-DUMMAD, DULE-ODURDAKLEGED-NEG NUE-NAPIRAGWADID, GAKANSULID



(Be absoge Lucas 16:19-26.)

Nue-napirra Jesucristo'gi bensuli be gue. Jesucristo E-garda-dule-dula-gudiguedgi benug narmakoed.

“Ar dule we-garda dulemar-dula-gudimaloedgi-E-nugnai-suliddi melleded, matagi-soo-dummad-gwabunye-gwichidgi.”

—Burbar Oyolesad 20:15

# **JESÚS'BI UNNILA BAB-DUMMADSE ANMAR-SEDOED**

**43**

**“Bab-Dummad anmarga san-burba-geg-bergued uksad. We-burba-geg-bergued Bab-Dummad-Machigi danikid.”**

—1 Juan 5:11b

**“Ar ade iskued anmar-bennuked, burgwedgi. Bab-Dummad-nabir-anmargi-binsamaiddi, anmar-Dummad-Cristo-Jesús'gi burba-geg-bergued anmarga uked.”**

—Romanos 6:23

**“Ar doa-dule Bab-Dummad-Machi-bensuli-gunonikile, a-du-le burba-geg-bergued nikuoed. Ar dule Bab-Dummad-Machigi bengunonikirdi, burba-geg-bergued gwen nikuosulid, agardi Bab-Dummad dulemar-sabsur-odurdakoed-igar bato guar ega maid.”**

—Juan 3:36

**“Jesús, abin-sogded: ‘Anbi unnila Bab-Dummadse be-se-doed, Ani An napiragwadid, degine, dula-gudigued Angi danikid. Dule-wargwensaale geg Bab-Dummadse warmaked, ar Angi nasulir.’ ”**

—Juan 14:6

## 44 BAB-NIBNEG NUE-NAPIRRAGWAD, GAKANSULID



Burbar Oyolesad 21'gi Juan burbar nibneg-binid, degine, napneg-binid daksad. **“Bab-Dummad we-dulemarga bela ibyanis elioed. We-dulemar bar burgosurmalad. Bab-Dummad boed ega obelobaloed, degine, bukib-itoged ega obergubaloed. Deginbali, we-dulemar nunmaked bar itogosurmarbalid, ar ade bela ibmar-iduarmalad bergusad.”** Degine, Bab-Dummad-olo-ganagi-siid sogded: **“Emigindi bela ibmar biniganbi An imaked.”**

—Burbar Oyolesad 21:4, 5a

**“Ar neggweburdi olobi sobaled, ispe-swilidikidyob dakleged. Neggwebur-e-dikarga-maid e-sailaga-gumaidgi akwa-nuegan galagwensuli ogannolemaid.”**

—Burbar Oyolesad 21:18b, 19a

# **JESÚS DULEMAR-EGI-BENSURMALAD-IDU 45 GUAKWAA AMARGA NEG SII-NADED**

**“Mer surbinsa be-gwagegi be itomalo. Bab-Dummadgi mer be bengumalo, degine, mer Angi be bengumarbalo. An-Bab-neggi neg-nuegan bukidar nikad, ar degisulina, deyob An be-ga sogsasurmalanad. Ar emigindi An nae, bemar-idu bemarga neg guagwar sii-naegar. An bemar-idu namalad, bemarga neg guagwar sismalale, gannar An danibaloed, bemar-sudagegar, adi bia An gudiguoedgi, agi bemar Anba gudigumogagar.”**

–Juan 14:1b-3

## **WE-IGAR-NUED DULEMAR-BAIGANGA BE SOGE**

Jesús sogdesunnad: **“Bela dulemar-we-napneggi-bukmalad-se be namar, bela dulemarga Bab-Dummad-gaya-burba-nued-gi Angi bemar sunmaknamarsun.”**

–Marcos 16:15b

**“Dule-wargwen dule-baid Bab-Dummadse sealile, we-dule nue-binsaed nikadid.”**

–Proverbios 11:30b

# 46 BAB-DUMMAD E-MIMMIGANGA SOGSAD, AN BEMARGA-IMAKEDSEYE

**“An be-iegosurye, degine, An be-metosurye.”** –Hebreos 13:5b

**“E-angermar bega barmidagoed, adi be nadapidba be-edarbedii-guegar.”** –Salmo 91:11

**“Degine, bipisaale dule-baid gege An-Babgi An-sibad-wawaad sued.”** –Juan 10:29b

**“An emi bemarka bane-bane gudiguoed, we-napneg-berguedse . . . .”** –Mateo 28:20b

**“Be ibmar-nunmak-itogoed-begi-danikoed mer be dobguo . . . Mer galakued be imakmalo, be burgwedse. Deyob be gusale, Ani An bemarga olo-gurgin-burba-dula-gudigued ukoed.”** –Burbar Oyolesad 2:10

**“Anse be gole, ar An be-abinsaoed.”** –Jeremías 33:3a





# JESÚS GANNAR WE-NAPNEGSE DANIBALOED 47

*Belagwable dule-burgwarmalad gannar durguoed.*

**“Ar ibagan danikoed, dulemar-neg-uangi-burgwar-mamaid, bela Bab-Dummad-Machi-E-gaya-burba-itomaloed. Ar dule-ibmar-nued-imaksamalad gannar durgunonimaloed, burba-dulad nikuegar, ar dule-ibmar-iskana-imaksamaladdi, gannar durgunonimarmogoed, odurdakleged-negse naegar.”**

—Juan 5:28b, 29



*Cristo-bengussuli-burgwismalad-inse durgudagoed.*

**“A-sorbali, anmar-amba-dula-gudimalad, Eba seledmarmogoed, mogir-imbaba Bab-Jesús-abinguegar. Degi anmar Bab-Jesús’ba mai sadegumaloed.”** —1 Tesalonicenses 4:17

**“An-danikoed-ibagan bemar wichursoggu, be nue atakmar, guagwar amibikumar, be gatik Babse gormar.”** —Marcos 13:33b

## ¿JESÚS WEDE IGI DANIKOE?



**“Bela-dulemar Jesús-dakmalloed, mogir-imbaba aidedani.”** –Burbar Oyolesad 1:7a

**“Degisoggu, dule-wargwen bemarga sokar-dibe: ‘¡Be dakena, wegi gudii, Bab-Dummad-dule-wargwen-barmidagoye-sogsad-dule!’ ... Degii-dule-bega-sogedba, mer be ibsa-malo. Ar degisoggu, bemarga sokarmar-dibe. ‘Cristo nega-dule-sulidganba gudiiye.’ Mer ase be namalo.** –Mateo 24:23, 26a

### JESÚS MOGIR-IMBABA UKIAR DANIKOED

**“Geb degine, mogir-imbaba Ani Dule-Machi danikoed-wilubgan dakledagoed. Geb degi we-napneggi bela dulemar-baid-baid-danar-danar-bukmalad bukib binsadamaloed, degi, Ani Dule-Machi, mogir-imbaba An-ganguedba, degi, An bela-bela-yeer-daklegedba-dani bela An-dakdamaloed.”** –Mateo 24:30

# BAB-JEHOVÁ AN-EDARBEDIID

(Salmo 23)

**<sup>1</sup>Dule-sibad-wawaad-edarbedyobi Bab-Jehová an-edarbediid, Unniguar ibmar-nika an gued.** <sup>2</sup>Igi sibad-wawaad gagan-ara-arad unniguar masale, geb agine, obunno-megis-dae, deyobi Bab-Jehová unniguar mas-gunned-nued anga uk-damogad. Degine, igi dule dii-boo-naidse sibad-wawaad nid-dae, deyobi Bab-Jehová bogidikidgi an-ogob-nued uk-dabalid. <sup>3</sup>Bab-Jehová an-san-burba anga oganno-daed. Igar-inikimaladba an-sed-daed. Mer na e-nug-isguega, deyob an-imak-daed.

**<sup>4</sup>Ar neg-gudureged-sunnasulid-imbaba an nadapile, degite, an dobguosulid. Ar Bab-Jehová, be anba nadapsoggu, an akar-guosulid. Be-suar-gaapoled an-niga-ogannoged** <sup>5</sup>Bab-Jehová, be an-isdarmalad-asabin, dobsuli mas-nued gunnega be an-imaked. Gwallu-wawad an-nonogi be eoged, anga sogega be-nonikid, nued an be-dakye. Degine, igi noggi gobed ise-obinaledba aryomai-dae, deyobi, an-ulubgi ise-weligwar an itoged.

**<sup>6</sup>Napiragwad bane-bane wile be an-dakdii-guod, an-burgwedse, degine, an-burgwedse be angi nued-binsadii-gubaloed, Bab-Jehová-neggine degisadegu an mai-guod.**

Scripture quotations used are taken from El Nuevo Testamento en Kuna (San Blas) © 1995 International Bible Society. Used by permission. All rights reserved worldwide.

---

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

We-garda manigi uklegosuli, binsa uklegoed

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

5-24



Read booklets online or by App  
[www.wmp-readonline.org](http://www.wmp-readonline.org)  
2295 Kuna WTG

